



## **Scientia Sanctorum**

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

**Puente, Luis de la**

**Dilingæ, 1685**

45. De zizaniis.

---

[urn:nbn:de:hbz:466:1-60561](https://nbn-resolving.org/urn:nbn:de:hbz:466:1-60561)

ciant. O Deus! malim pungi spinis tuæ coronæ: & licet carnem lacerent, spiritum sanant.

Nota, quòd prima terra ne germinare quidem incipit: secunda non promovet defectu succi: tertia succum habet, sed ob vepres non affurgit.

### PUNCTUM III.

Tres  
gradus  
fructuū  
bonorū.

**T**erræ bonæ & fructiferæ sunt tres similiter gradus: alia reddit *Tricesimum*, alia *Sexagesimum*, alia *Centessimum*, juxta tres gradus incipientium, proficientium, & perfectorum, vel, ut Patres exponunt, secundum status conjugij, Cælibatūs, Martyrum.

### MEDITATIO XLV.

*De Zizanijs. Matth. 13.*

Mat. 13.  
37.

**E**Xposuit hanc parabolam ipse Dominus: *Qui seminat bonum semen, est Filius hominis. Ager autem est mundus, bonum verò semen hi sunt filij regni. Zizania autem sunt filij nequam. Inimicus autem, qui seminavit ea, est diabolus.*

### PUNCTUM PRIMUM.

Justi se-  
men.

**I**usti sunt Christi semen, hoc est filij ab eo geniti in gratia, & ideo semen dicuntur, quia per eos alij gignuntur Christo. Filij autem regni dicuntur, quia, *si filij & hæredes regni paterni.*

Rom. 8.  
17.

Zizania



Zizania familia sunt tritico in herba, cum autē creverint, nigrescunt, & nocent tritico. Quin obsunt edenti, visum lædunt, & provocant vomitum: sic mali homines conveniunt cum bonis in natura, quin & in fide, & ritibus externis: at terri intus sunt à peccatis, obsuntque utentibus eorum consuetudine, Deoq; nauseam provocant. Prius seminatur triticū, postea zizania: quia boni prius fuerunt, quàm mali, tum Angeli, tum homines. Et nunc quos Christus regeneravit, inter eos mali à diabolo superducuntur: imò ex tritico conantur facere zizania, ex filijs Dei filios diaboli, & facit id, *dormientibus hominibus*, incurijs, & negligentibus suam salutem. Ubi *superseminavit*, abijt, ut qui, jacto in alium lapide, abijt, & subducit se, nolens videri auctor: idque est tantò perniciosius, quòd se *transfigurat in Angelum lucis*, ut ex Deo videatur semen. Nam ab initio non apparet tritico absimile, sic mali homines, semen diaboli, bonis se initiò accommodant, eadèmq; simulant studia, videlicet induunt vestimenta ovium. Abijt etiam diabolus, quia desistit à tentando, ut post interval- lum invadat incautos periculosius.

Zizania  
mali  
omnes,

Dæmon  
venit  
dormiē-  
tibus ho-  
minibus;

## PUNCTUM II.

Servi dicunt patrifamilias, *Nonne bonum semen seminasti in agro tuo? unde ergo habet zizania?* post sementem Evangelij à Christo factam, ac post abundantiam gratiæ in omnes effusam, qui zelum habent Dei, mirantes dicunt, un-

Admira-  
tio de zi-  
zanijs,

Bb

de



Mat. 13.  
28.  
Iac. 1.  
13.  
Ioan. 8.  
44.  
1. Ioan.  
3. 8.  
Cur finit  
zizania  
Deus  
crescere.

de tantum scandalum in agro dominico; & inter eos ipsos, qui sal & lux esse debuerunt: & inter illos, qui perfectionē profitentur? dicam etiā ego & intra me, unde tot imperfectiones, & peccata, quæ suffocant spiritum? Respondet Dominus: *Inimicus homo hoc fecit. Deus intentator malorum est.* Diabolus autem Tentator per excellentiam dicitur, & Sathan, sive aduersarius, cuius semen & filij sunt, qui ejus desideria perficiunt: nam, *qui facit peccatum, ex diabolo est.* Sed & homo ipse peccator intelligi potest nomine inimici, qui animam suam perdit propria voluntate. Ergo & homo sibi ipsi inimicus hoc facit. In altero etiam sensu accipi potest superior interrogatio: Cū tuus, Domine sit ager & ipse seminaveris, quare finis superseminari zizaniā? Ad hunc sensum non respondet Christus Dominus, quia non oportet scrutari arcana divinæ providentiæ: illud est certum, & sufficit absque magna & justa ratione id non permittere, indeque multa bona elicere in salutem electorum.

### PUNCTUM III.

Zelus nimis patet.

1.

2.

3.

Servi autem dixerunt ei, *vis imus & colligimus ea?* hic est justorum zelus, qui potest esse intempestivus, ex quatuor causis. 1. Si omnia simul velint eradicare, sive ex Ecclesia, sive ex Congregatione Religiosa, sive ex se ipsis, quod non potest ordinaria lege. 2. Si ante tempus, quia malus sustentatus, fortè fiet triticum, & minimum conando, fortè perdes sanitatem. 3. Si cum



cum periculo eradicandi triticum seu emendes malos, seu punias cum damno bonorum, quod accidit in bellis suscipiendis. 4. Si spiritu vindictæ, ut cùm Apostoli petebant ignem mitti in Samaritanos, quòd non reciperent Christum. Respondit Dominus: *Non, ne fortè colligentes zizania, eradicetis simul & triticum.* Considera charitatem erga hominem: nam Angelos peccantes, quasi zizania statim extirpavit, ignique tradidit: homines autem sustinuit, dum in triticum, si vellent, verterentur. Parcit etiam zizanijs propter bonos, sicut cùm paratus fuit Sodomitis parcere, si vel decem reperirentur in eis justi: quod magno solatio est bonis, & spem facit, quod eis non oberit inter malos conversari, & versari. Nihilominus quando absque damno tritici possunt zizania extirpari, Dominus id nequaquam vetat.

## PUNCTUM IV.

Significat Dominus tempus collectionis. *Sinite, inquit, utraque crescere usque ad messem,* quo monemur semper in hac vita futuros malos bonis permixtos, & quantumvis semper seminet Diabolus zizania, nunquam defuturum triticum. Putabat Elias, se relictum solum cultorem Dei, cùm audiit à Domino. *Reliqui mihi septem millia virorum.* Deinde simul utrumque crescit, & lolium, & triticum, juxta illud. *Qui sordidus est, sordescat adhuc, & qui justus est, justificetur adhuc.* Sed triticum ex Dei voluntate,

4.

Luc. 9.

54.

Mat. 13.

29.

Dei charitas.

Parcit.

Gen. 18:

32.

Mali cū

bonis.

mixti.

3. Reg.

19. 18.

Utrique

crescunt.

Apo. 22:

11.



Judiciū generale. tate, & per ejus gratiam; zizania autem ex permissione illius tantū. Messis tempus erit duplex, & particulare, in morte cujusque; & universale, post resurrectionem, quando *Angeli colligent de regno ejus omnia scandala; & eos,*

*Mat. 13. qui faciunt iniquitatem, mittent in caminum 41. ignis. Colligent autem ea in fasciculos ad comburendum, ut ejusdem culpæ socios similiter cruciandos tradant: & quemadmodum fasciculi se mutuo accendunt, ita infelices illi sibi mutuo sint ad tormentum. Eritque ibi fletus & stridor dentium, præ rabie invicem excandescentes, & in eos, qui sibi damnationis occasio extiterunt. At triticum, inquit, congregate in horrenum meum. Tunc fulgebunt justi, sicut sol in regno Patris sui.*

*Mat. 13. 43.*

## MEDITATIO XLVI.

*De grano sinapis. Matth. 13.*

### PUNCTUM PRIMUM.

Granum sinapis refert Christum; nam est minimum, nec specie, nec odore æstimabile, intus tamen efficax & calefactivum, præsertim si teratur. Ita Christus de se: *Ego sum vermis & non homo*: at intus secundum animam, *In eo erant omnes thesauri sapientie & scientie DEI*, quin habitabat in eo divinitas corporaliter: qui attritus in cruce vim suam exeruit;